



Inatsisartunut ilaasortaq Aqqaluaq Biilmann Egede, Inuit Ataqatigiit

Mail-ikkut nassiunneqartoq uunga: inatsisartut@inatsisartut.gl

**Sisimiuni imeqarfik pillugu § 37 naapertorlugu apeqquteqaammut nr. 001-
imut, akissuteqaat**

16-01-2019
Sagsnr. 2019 - 560

Asasara Aqqaluaq Biilmann Egede

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

Inatsisartut suleriaasianni § 37, imm. 1 naapertorlugu Naalakkersuisunut
Sisimiuni imeqarfik pillugu apeqquteqaateqarputit. Apeqqutitit uannut
akisassanngorlugit innersuunneqarput.

**Apeqquteqaat 1: Sisimiuni imeqarfiup illoqarfiup ineriartornissaanut
aporfeqartitsinera aaqqinniarlugu Naalakkersuisut qanoq iliuuseqarpat?**

Apeqquteqaammut siullermut akissuteqaat:

Naalakkersuisut iliuuseqarput aalajangersakkanik pilersitsisoqarneratigut, tassa
Sisimiuni imeqarfimmut killeqarfiup iluani ingerlatsinerit ilaasa
akuerineqarnerisigut, tak. Sisimiut eqqaanni imeqarfiup killeqarfilerneqarneranut
immikkut ittumik maleruagassat pillugit Namminersorlutik Oqartussat
nalunaarutaat normu 9 apriliip 30-iat 2015-imeersoq. Nalunaarummi tassani
atuarneqarsinnaavoq ilaatigut qamuteralannik illinerni tatsip sinaatigut
ingerlaartoqarsinnaasoq.

Nukissiorfiit ingerlaavartumik Qeqqata Kommunia suleqatigaat iliuusissat
erngup imernejartussap naammattup Sisimiuni pitsaassusissaata
qularnaarneqartuarneqarnissaa pillugu aammattaaq inatsisit atuuttut
tunngavigalugit illoqarfiup ineriartortinnissaanut. Ilaatigut
kissaateqartoqartarpoq imeqarfimmut killeqarfiup iluani ingerlatsisoqarnissaanik,
taakkulu ajoraluartumik imermik imernejartussamik minguitsumik aamma
suliffissuaqarfinnut imermik minguitsumik pissaqartitsinissamut Naalakkersuisut
anguniagaannut naapertuuttanngillat.

Sisimiuni imeqarfik 2017-imi nutarterneqarpoq nakkutilliissutinik aamma aqutsissutinik tamakkulu imeqarfiup sulii pitsaanerulerneranut aamma ingerlatsinerimi qulakkeerinninnermut kiisalu Sisimiuni imermik pilersuinnermut tapertaapput. Tamatumani saniatigut Nukissiorfiit Erngup Imerneqartussap Isumannaatsuuneranik Uppernarsaaneq (DDS) sulii artik aallartippaat, tamannalu imermik nioqqutissiornermi aamma siaruarterinerimi ingerlatseriaatsit assigiinnissaannut qulakkeerinninnissamut tapertaassapput, tamannalu Sisimiuni nuannaarutaasussamik erngup pitsaasup pitsaassusiata pigiinnarneqarnissaanut tapertaassaaq.

Maannakkut Nukissiorfiit tatsinit imermit pissarsiffiusartunit qanoq annertutigisumik pissarsinnaaneq piusoq misissorpaat, kiisalu Sisimiuni erngup isumalluutaasup allanngortinneqarnissaa pilersaarutiginagu.

Akissuteqaammut matumunnga ilanngunneqarpoq nunap assinga ilitersuutaasoq, tassani takuneqarsinnaavoq Sisimiut eqqaanni nunaminertaq imermit pissarsiffiusinnaasoq aamma erngup tikinneqarnissaanut killeqarfeqarneranut takussutaasoq.

Apeqquteqaat 2: Imeqarfiup maannakkut inissisimaffia Sisimiuni ineriartornissamut akimmisaartitsivoq, imeqarfik avaqqullugu illoqarfiup ineriartorfissaa naalakkersuisuniit suleqataaffigalugu aningaasaleeqataanikkullu periarfissaalersinneqarnissaa kajumissuseqarfigineqarpa?

Apeqquteqaatit aappaannut akissuteqaat:

Soorlu Nukissiuuteqarnermut Imermillu Pilersuinnermut imikkoortumut Pilersaarummi atuarneqarsinnaasoq ingerlaavartumik imeqarfiit killeqarfiisa killinginik nalilersuisarnerit ingerlanneqartuuput. Erngup pitsaassusia ataatsimut isiginnilluni imermik salinneqanngitsumik imeqarfittut isumalluutini pitsaasuvoq, taamaattorli Naalakkersuisut erngup salinneqanngitsup imeqarfittut isumalluutit sulii pitsaasuujuarnissaasa isumagiussavaat, taamaaliornikkut innuttaasut aamma inuussutissarsiutinik ingerlatsisut maannakkut aamma siunissami imermik pitsaasumik pitsaassusilimmik pissaqartuassapput.

Imeqarfiit killeqarfii illoqarfiit aamma nunaqarfiit alliertortinneqarnerannut atatillugu unaminartumiippat, tassami najugaqarfiit imeqarfiit killeqarfiinut qanilligaluttuinnarmata. Akissuteqaammut matumunnga ilanngunneqarpoq nunap assinga ilitersuutaasoq Sisimiuni imeqarfimmu killiliussanik takussutissiisoq. Nunap assinga tunngavigalugu imeqarfiup killeqarfiata,

nunaminertat illuliornissamut atorneqarsinnaasut aamma imeqarfiup killeqarfiata avataani illoqarfiup ineriartortinneqarsinnaanera, suli ajornartunngortinngikkaa takuneqarsinnaavoq.

Illoqarfinnik ineriartortitsinermik kommunit siullertut isumaginnittussaapput, kisianni Naalackersuisut ineriartortitsinissamut pilersaarutit piviusut pillugit oqaloqatiginninnissaminnut piareersimapput, tassa imeqarfinnut killeqarfinnut attuumassuteqarpata. Imeqarfiup killeqarfiani ingerlatsinissamut immikkut akuerineqarnissamut suliassamut atatillugu ataatsimut isiginnilluni Naalackersuisut sianigilluartarpaat, suliap sukumiisumik nassuiaaserneqarsimanissaa aamma paasissutissanik naammattunik saqqummiussisoqarsimanissaa, tassa suliap pineqartorpiap aalajangiiffiginissaani aalajangiinissamut tunngaviusussanik. Naalackersuisut nalilersortarpaat ingerlatsinerit imermik isumalluutigisamut qanoq sunniuteqaratarsinnaanerat, inuiaqatigiinnut sunniutaasinnaasunut pingaaruteqartunut naleqqiussilluni ingerlatsinerit ilalernerneqarnissaannut sanilliussilluni.


Inussiarnersumik inuulluaqqusillunga
Med venlig hilsen



Aqqalu Jerimiassen



Sisimiut eqqaanni imeqarfiup killeqarfilerneqarneranut takussutissiaq



Signatur:
 Vandspærrezone

Skaleredes på A3 for at holde
 målformid.

DETTE KORT ER KUN VEILEDENDE. KONTAKT VENLIGST DEN LOKALE NUKISSIOFFIT
 AFDELING FOR YDERLIGERE OPLYSNINGER.



Dette er et bruger-genereret kort fra Nukissioffits
 ledningsdatabase og Nukissioffits arkiv af kundereferencer.
 Data der ikke på dette kort kan være berørt med fejl.



Titel: Sisimiut vandspærrezone
Passags nr.:
Emne: Svar på 337-spørgsmål
By/Bygd/Sted: 090 Sisimiut

Status:
Dato: 09-01-2019
Tegnings nr.: 001
Initialer: MASO
Måb: 1:48.378